



**Comhairle Contae
Dhún na nGall**
Donegal County Council

Oibreoir Innealra sa tSeribhís Bóithre

Eolas d'Iarratasóirí

Meán Fómhair, 2020

1. An Post

Tá an Chomhairle ar lorg iarratas ó iarrthóirí a bhfuil na cáilíochtaí cuí agus taithí ábhartha acu faoi choinne post mar Oibreoir Innealra sa tSeirbhís Bóithre.

Tá sé beartaithe go gcuirfear painéal le chéile d'iarrthóirí as a líonfar folúntais le linn shaolré an phainéil.

Beidh an té a cheapfar freagrach go díreach don Maoirseoir Seirbhís Bóithre nó do dhuine iomchuí eile de réir mar a cheapadh an Chomhairle ó am go ham.

2. Dualgais

Déanfaidh an Comhairle dualgais a shannadh don iarrthóir rathúil a bheas ag teacht leis an chur síos poist chomhaontaithe don phost seo.

Seo a leanas liosta neamh-uileghabhálach de dhualgais:

Croí-dhualgais

- Réimse d'fheithiclí, innealra, gléasra agus trealamh a thiomáint agus a oibriú amhail leoraithe, trucailíní oscailte, tarracóirí, tochtóirí, dumpairí, rollóirí, spraeirí tarra, barra spraeála, trealamh bearrtha fáil, trealamh cothabhála geimhridh agus dá réir;
- A chinntiú go ndéantar na feithiclí, innealra, gléasra agus trealamh a choinneáil i gcóir mhaith ghlan oibre, agus go ndéantar aon fhabhtanna a thuairisciú agus a chóiriú;
- Seiceálacha sábháilteachta feithicle riachtanacha a dhéanamh;
- Rannpháirtíocht i Seirbhís Cothabhála Geimhridh na Comhairle;
- A chinntiú go gcuirtear polasaithe reatha Sláinte agus Sábháilteachta na Comhairle i bhfeidhm;
- D'fhéadfadh sé go sannfaí dualgais eile ó am go ham.

Dualgais eile:

- Bheith ar fáil mar chuid de chórais glooch amach na Comhairle;
- Teicneolaíocht nua a úsáid de réir mar is gá;
- Cloí le gach polasaí, gnáthamh agus reachtaíocht eagraíochtúil;
- Na dualgais thuasluaite (nó a gcomhionann) a chomhlíonadh faoi choinne réimsí feidhmiúla eile de chuid na Comhairle de réir mar a shannfaí iad.

3. Cáilíochtaí

(a) Carachtar

Beidh dea-charachtar ag na hIarratasóirí.

(b) Sláinte

Beidh sláinte ag iarratasóirí a thabharfadh le fios go bhfuil siad ábalta seirbhís rialta, éifeachtach a chur ar fáil. Iarrfar ar na daoine a cheapfar dul faoi scrúdú leighis arna dhéanamh ag Dochtúir Sláinte Cheirde na Comhairle roimh a gceapachán.

(c) Oideachas, Taithí

Ar dháta deiridh chur isteach na bhfoirmeacha iarratais, caithfidh an méid thíos a bheith ag iarratasóirí:

- Caighdeán maith Oideachais;
- Ceadúnas Tiomána iomlán, glan d'fheithiclí Chatagóir C agus a gcarr féin;
- Cáilíocht reatha bhailí Inniúlachta Gairmiúla Tiomána a bheith acu;
- Cárta CSCS Pas Sábháilte a bheith acu;
- Taithí roimhe seo ar:
 - Cothabháil bóithre agus Tionscadail Tógtha Bóithre;
 - Innealra speisialta déanta bóithre / innealra tógála eile a thiomáint agus a oibriú;
 - Déileáil leis an phobal trí chéile;
 - Sláinte, Sábháilteacht & Folláine ag an Obair agus taifid S&S a choinneáil;
 - Oibreacha seirbhís geimhridh.
 - A bheith ábalta scileanna eagrúcháin agus ceannaireachta a léiriú agus é a bheith ar a gcumas oibriú as a stuaim féin .

(d) Riachtanais inmhianaithe

B'inmhianaithe, cé nach riachtanach, an méid seo a leanas:

- Ba bhuntáiste é buneolas ar ríomhairí agus ar bhogearraí bainteacha;
- Ceadúnas Tiomána iomlán, glan d'fheithiclí Chatagóir CE;

4. 5. Mionsonraí an Phoist

(a) Ginearálta

Tá sé beartaithe ag Comhairle Contae Dhún na nGall painéal d'iarratasóirí cáilithe a chruthú don phost mar Oibreoir Innealra sa tSeirbhís Bóithre.

(b) Promhadh

Beidh na hiarratasóirí a cheapfar ar promhadh ar feadh tréimhse thosaigh, a shocróidh an Chomhairle.

(c) Luach Saothair

Is é an scála pá reatha náisiúnta seachtainiúil:

- Oibreoir Gléasra A íosmhéid €619.86 go huasmhéid €641.01 (ar aon dul le EL 05/2019).
- Oibreoir Gléasra B íosmhéid €633.94 go huasmhéid €653.45 (ar aon dul le EL 05/2019)

Íocfar na daoine a cheapfar ag an phointe chuí ar an scála tuarastail ar aon dul le Ciorclán bainteach na Roinne.

Tosóidh iontrálaithe úra ag an íospointe ar an scála.

(d) Bunáit

Is í an Chomhairle a shocróidh bunáit an phoist agus beidh sí ag brath ar cibé ceantar ina sannfar na daoine a cheapfar.

(e) Cónaí

Beidh na daoine a cheapfar ina gcónaí sa cheantar ina mbeidh na dualgais le feidhmiú nó faoi fhad réasúnta de.

(f) Uaireanta Oibre

39 uair an chlog sa tseachtain na gnáthuaireanta oibre a bheidh ag an té a cheapfar.

Coinníonn an Chomhairle an ceart na huaireanta oibre a athrú ó am go chéile.

Beidh ar Oibreoir Innealra sa tSeirbhís Bóithre socruithe a dhéanamh le bheith ag obair ar bhonn róta ar glaoch agus a bheith ag obair taobh amuigh d'uaireanta oibre, saoire phoiblí san áireamh.

(g) Riachtanas Tiomána

Beidh ar Iarratasóirí:

- a. Ceadúnas Tiomána iomlán, glan d'fheithiclí Chatagóir C;
- b. Cáilíocht reatha bhailí Inniúlachta Gairmiúla Tiomána a bheith acu;
- c. D'fhéadfadh sé, ó am go chéile, go mbeadh ar na daoine a cheapfar feithicil a thiomáint a chuireann Comhairle Contae Dhún na nGall ar fáil agus iad i mbun na ndualgas a shannann an Chomhairle.

5. Próiseas Earcaíochta

A. Foirm Iarratais

- Caithfear iarratais a chur isteach ar an fhoirm iarratais oifigiúil agus caithfear gach cuid den fhoirm a chomhlánú.
- Ná cuir CV isteach le d'iarratas. Ní bhreithneofar ach faisnéis ar an fhoirm iarratais, nuair a bheidh oiriúnacht iarratasóra maidir leis an phost á meas.
- Caithfear iarratais a chur isteach mar iatán r-phoist i bhformáid Word nó PDF chuig vacancies@donegalcoco.ie
- Seachas sin, nuair a bheidh sí comhlánaithe, is féidir an Fhoirm Iarratais a sheoladh le casadh an phoist chuig:
An Roinn Acmhainní Daonna
Comhairle Contae Dhún na nGall
Ionad na Trí Abhann
Leifear
Contae Dhún na nGall
- Caithfidh iarratais a bheith faighte againn faoin spriocdháta a shainítear ar an fhoirm.

B. Gearrliostú

Is féidir iarratasóirí a ghearrliostú faoi choinne agallaimh ar bhonn an eolais a chuirtear ar fáil. Sa chás go mbeidh gá le beart gearrliostaithe, tionólfar Painéal saineolaithe leis na foirmeacha iarratais a scrúdú agus a mheas de réir critéir réamhshocraithe, bunaithe ar riachtanais an phoist. Mar sin de, bheadh sé le do leas cuntas mion, beacht a thabhairt ar do cháilíochtaí agus do thaithí ar an fhoirm iarratais.

Má mheastar, mar gheall ar líon agus caighdeán na n-iarratas a gheofar, gur réasúnach gan gach iarratasóir a chur faoi agallamh, ní ghlaofar chun agallaimh ach daoine ar dócha go ngnóthódh siad caighdeán ar leor é chun iad a roghnú agus a mholadh faoi choinne ceapacháin.

C. Ceart ar Fhaisnéis agus Athbhreithniú

Tá an Chomhairle tiomanta d'aiseolas agus faisnéis a thabhairt d'iarratasóirí. Iarratasóir ar bith ar mian leo, féadann siad a iarraidh go n-athbhreithneofar an cinneadh nó an próiseas. Caithfear a leithéid d'iarratas a chur isteach i scríbhinn, ag cur in iúl na cúise atá leis an iarratas agus caithfear é sin a chur faoi bhráid na Rannóige Acmhainní Daonna, Ionad na dTrí Abhainn, Leifear, Co. Dhún na nGall faoi cheann cúig lá ó dháta fógartha cinneadh ábhartha.

D. Rúndacht

Faoi réir fhorálacha an Achta um Shaoráil Faisnéise 2014, is faoi rúndacht dhocht a phléifear le hiarratais.

E. Eile

Tá ceapacháin na Comhairle faoi réir seiceálacha sásúla maidir le teistiméireachtaí, cáilíochtaí, scrúduithe leighis agus Grinnscrúdú Garda, mar is infheidhme.

F. Cúis Dícháilithe an Chanbhasáil

Dícháileofar ón phost láithreach iarratasóir ar bith a dhéanann iarracht (nó a ndéanann duine iarracht ar a s[h]on) oifigeach de chuid na Comhairle (nó duine a ainmníonn sí le hagallamh a chur ar iarratasóirí nó iad a scrúdú) a chanbhasáil nó tionchar a imirt orthu ar son an iarratasóra, go díreach nó go hindíreach, bíodh sé i bhfoirm cumarsáid scríofa nó eile.